



**MAJLIS BANDARAYA IPOH**

**ARAHAN KEWANGAN BIL. 03/2021**

Rujukan: Bil. ( 36 ) dlm.MBI.B1/12/1/12 Jld 2

Jabatan Perbendaharaan  
Majlis Bandaraya Ipoh

15 Oktober 2021

Setiausaha Bandaraya,  
Semua Pengarah Kanan,  
Semua Ketua Jabatan / Bahagian / Unit,  
Semua Pembantu Tadbir (Kanan)  
Majlis Bandaraya Ipoh.

Tuan / Puan,

**PERATURAN DAN PENTAKRIFAN PECAH KECIL BAGI PEROLEHAN MAJLIS BANDARAYA IPOH**

Dengan hormatnya saya memohon perhatian pihak tuan / puan kepada perkara di atas.

2. Berhubung dengan perkara ini, adalah dimaklumkan terdapat beberapa kes di mana permohonan bagi perolehan yang sudah dilaksanakan tidak dapat diproses disebabkan oleh adanya teguran daripada pihak Jabatan Perbendaharaan yang melibatkan isu-isu pentakrifan dan peraturan mengenai pecah kecil. Jabatan / Bahagian / Unit dilarang memecahkecilkan perolehan tahunan untuk mengelakkan daripada pelawaan secara sebut harga dan tender.
3. Untuk penjelasan lanjut dan sebagai panduan kepada semua pihak dalam mengurus perolehan, isu pecah kecil terjadi sekiranya wujud LEBIH DARI SATU (1) SEBUTHARGA DIPANGGIL dan mempunyai kesemua perkara berikut:

**3.1 PEROLEHAN KERJA**

- (a) Kerja yang mempunyai **skop yang sama**;
- (b) Kerja dibiayai oleh **sumber peruntukan yang sama**;
- (c) Kerja dilaksanakan **dilokasi yang sama**;
- (d) Kerja dilaksanakan pada **masa yang sama** dan **serentak**.

**PERATURAN DAN PENTAKRIFAN PECAH KECIL BAGI PEROLEHAN MAJLIS  
BANDARAYA IPOH**

**3.2 PEROLEHAN BEKALAN DAN PERKHIDMATAN**

- (a) Bekalan dan perkhidmatan yang **mempunyai skop yang sama / satu jenis item**;
  - (b) Bekalan dan perkhidmatan dibiayai oleh **sumber peruntukan yang sama**;
  - (c) Bekalan dan perkhidmatan dilaksanakan **dilokasi yang sama**;
  - (d) Bekalan dan perkhidmatan **dilaksanakan serentak**.
4. SPP Bil. 1/2014 dan Arahan Kewangan Bil. 09/2014 juga menjelaskan dengan terperinci takrifan “Setiap Jenis Item” dan pengelasan setiap jenis item (**contoh-contoh item seperti Lampiran 1**).
5. Adalah diharapkan dengan penjelasan bagi perkara-perkara yang dinyatakan di atas dapat memastikan pematuhan kepada prosedur yang ditetapkan dan dilaksanakan dengan betul.
6. Kerjasama, perhatian dan tindakan semua anggota bagi perkara ini adalah amat dihargai. Pelaksanaan Arahan Kewangan ini adalah berkuatkuasa serta merta.

Sekian dimaklumkan, terima kasih.

**“BERKHIDMAT UNTUK NEGARA”  
“IPOH BERSIH, HIJAU DAN MAJU”  
“IPOH BANDAR RAYA PINTAR DAN RENDAH KARBON 2030”**

Saya yang menjalankan amanah,

  
**(DATO' HAJI RUMAIZI BIN BAHARIN @ MD DAUD, DPMP., AMP., PPT.)**  
Datuk Bandar Ipoh  
Majlis Bandaraya Ipoh

**“SEJAHTERA RAKYAT PERAK DARUL RIDZUAN”**



## KEMENTERIAN KEWANGAN

### SURAT PEKELLING PERBENDAHARAAN BIL. 1 TAHUN 2014

Semua Ketua Setiausaha Kementerian  
Semua Ketua Jabatan Persekutuan  
Semua Setiausaha Kerajaan Negeri  
Semua Ketua Badan Berkanun Persekutuan  
Semua Pihak Berkuasa Kerajaan Tempatan

#### LANGKAH PENJIMATAN DALAM PEROLEHAN KERAJAAN

- I) HAD NILAI PEMBELIAN TERUS BAGI BEKALAN DAN PERKHIDMATAN
- II) HAD NILAI KERJA-KERJA REQUISITION

#### TUJUAN

Surat Pekellling Perbendaharaan (SPP) ini bertujuan untuk memaklumkan kepada Kementerian/Jabatan/Badan Berkanun (Agensi) mengenai perubahan had nilai dan syarat-syarat pembelian terus bagi bekalan/perkhidmatan dan had nilai kerja requisition selaras dengan langkah penjimatan Kerajaan.

#### LATAR BELAKANG

2. Peraturan semasa perolehan bekalan dan perkhidmatan menetapkan bagi pembelian setiap jenis item yang melibatkan jumlah perbelanjaan tahunan sehingga RM50,000 boleh dibuat secara pembelian terus dengan mana-mana pembekal sama ada berdaftar atau tidak berdaftar dengan Kementerian Kewangan dan sama ada bertaraf Bumiputera atau bukan Bumiputera. Manakala bagi perolehan kerja yang bernilai tidak melebihi RM100,000 boleh dipelawa secara requisition dengan menggunakan Jadual Kadar Kejuruteraan Awam dan Bangunan (Jadual Kadar Harga). Selaras dengan langkah perbelanjaan berhemat bagi mengurangkan perbelanjaan awam, Kerajaan telah bersetuju untuk mengkaji semula peraturan tersebut.

#### TAKRIFAN

3. Bagi maksud pemakaian SPP ini:

- i. "Pembelian Terus" adalah ditafsirkan sebagai perolehan bekalan/perkhidmatan yang melibatkan jumlah perbelanjaan tahunan sehingga RM20,000 atau sesuatu kontrak.

ii. "Setiap Jenis Item" adalah ditafsirkan sebagai sesuatu barang/perkhidmatan yang mempunyai fungsi yang sama dan/atau boleh diperolehi daripada satu punca bekalan serta perolehan tersebut boleh dirancang. Contoh-contoh pengelasan setiap jenis item adalah seperti **Lampiran 1**.

iii. "Kerja Requisition" adalah ditafsirkan sebagai kerja-kerja kecil dan pemberian yang tidak mengubah struktur asal dengan menggunakan Jadual Kadar Harga.

## **HAD NILAI, KEDAH DAN SYARAT PEROLEHAN BAGI PEROLEHAN BEKALAN DAN PERKHIDMATAN**

4. Perpendaharaan bersetuju had nilai baru pembelian terus dan sebut harga bagi perolehan bekalan dan perkhidmatan seperti berikut:

Bil.	Had Nilai	Kaedah dan Syarat Perolehan	Pihak Berkusa Melulus
I.	Sehingga RM20,000 setahun atau sesuatu kontrak	<p>a. Dilaksanakan secara <u>pembelian terus</u> daripada mana-mana pembekal sama ada berdaftar atau tidak berdaftar dengan Kementerian Kewangan dan sama ada bertaraf Bumiputera atau bukan Bumiputera.</p> <p>b. Kajian pasaran hendaklah dibuat dengan mendapatkan sekurang-kurangnya tiga (3) tawaran harga daripada pembekal tempatan.</p>	Pegawai Pengawal/Ketua Jabatan/Pegawai Yang Diturunkan Kuasa
II.	Melebihi RM20,000 hingga RM50,000 setahun atau sesuatu kontrak	<p>Dilaksanakan secara <u>sebut harga</u> mengikut tatacara sedia ada iaitu Surat Pekeliling Perpendaharaan, (<b>SPP</b>) Bil. 5 Tahun 2009 dengan kelonggaran seperti berikut:-</p> <p>a. Pelawaan sekurang-kurangnya di kalangan tiga (3) pembekal tempatan yang berdaftar dengan Kementerian Kewangan sama ada bertaraf Bumiputera atau bukan Bumiputera;</p> <p>b. Tempoh notis dipendekkan kepada tiga (3) hari;</p> <p>c. Jawatankuasa Pembuka Sebut Harga tidak diperlukan. Penyebut harga boleh mengemukakan dokumen sebut harga terus kepada urusetia melalui surat, faks</p>	<p>Jawatankuasa Sebut Harga (JKSH) seperti di dalam peraturan sedia ada laitu SPP Bil. 5 Tahun 2009;</p> <p><b>ATAU</b></p> <p>a. Pegawai Pengawal boleh menujuhkan JKSH baharu untuk meluluskan perolehan bekalan dan perkhidmatan melebihi RM20,000 sehingga RM50,000 yang dikenali sebagai JKSH 'B'; dan</p> <p>b. JKSH 'B' hendaklah terdiri daripada sekurang-kurangnya</p>

Bil.	Had Nilai	Kaedah dan Syarat Perolehan	Pihak Berkuasa Melulus
		<p>atau emel seperti ditetapkan oleh agensi; dan</p> <p>d. Penilaian sebut harga oleh satu (1) Jawatankuasa Penilaian dianggotai sekurang-kurangnya tiga (3) orang ahli termasuk pengurus yang dilantik oleh Ketua Jabatan.</p>	tiga (3) orang termasuk pengurus yang dilantik oleh Pegawai Pengawal/Ketua Jabatan.

## **SYARAT-SYARAT PEROLEHAN LAIN**

5. Agensi hendaklah memastikan syarat-syarat seperti berikut dipatuhi sebelum perolehan dilaksanakan:-

- i. Harga tawaran yang paling menguntungkan Kerajaan hendaklah dipilih;
- ii. Perolehan hendaklah tidak tertumpu kepada satu syarikat pembekal sahaja dan syarikat-syarikat lain yang berkelayakan hendaklah diberi peluang untuk menyertai perolehan tersebut;
- iii. Bagi perolehan bekalan/perkhidmatan yang sukar ditentukan harga pasaran, agensi boleh menggunakan harga pembelian lampau sebagai perbandingan; dan
- iv. Bagi bidang khusus yang memerlukan lesen/permit yang sah atau keperluan lain yang disyaratkan mengikut peruntukan undang-undang yang ditetapkan, agensi hendaklah memastikan bahawa pembekal yang dipilih mematuhi syarat-syarat tersebut. Antaranya memiliki lesen daripada Kementerian Dalam Negeri untuk perkhidmatan kawalan keselamatan, lesen farmasi daripada Kementerian Kesihatan bagi bekalan ubat dan sebagainya.

## **HAD NILAI PEROLEHAN KERJA-KERJA REQUISITION**

6. Kerajaan telah menetapkan had nilai kerja-kerja requisition menggunakan Jadual Kadar Harga dikurangkan daripada RM100,000 kepada RM50,000 sahaja. Kerja-kerja requisition bernilai tidak melebihi RM50,000 hendaklah dilaksanakan secara undian atau pusingan dengan menggunakan Jadual Kadar Harga di kalangan kontraktor bangunan/awam Gred G1 yang berdaftar dengan CIDB dan mempunyai Perakuan Pendaftaran Kontraktor (PPK) serta Sijil Perolehan Kerja Kerajaan (SPKK) dalam kategori dan pengkhususan yang berkaitan.

7. Bagi kerja-kerja requisition yang melebihi RM50,000 sebut harga hendaklah dipelawa di kalangan kontraktor bangunan/awam yang berdaftar dengan CIDB dan mempunyai PPK serta SPKK dalam gred, kategori dan pengkhususan yang berkaitan.

## **TANGGUNGJAWAB PEGAWAI PENGAWAL/UNIT AUDIT DALAM AGENSI**

8. Bagi memastikan perolehan dilaksanakan dengan penuh akauntabiliti, peranan Pegawai Pengawal adalah penting dalam memastikan perkara-perkara berikut dipatuhi sepenuhnya:-

- i. Merancang perolehan tahunan agensi dan memastikan pembelian terus tidak dipecah kecil untuk mengelak sebut harga atau tender;
- ii. Memastikan perolehan jenis item yang sama dalam setahun yang melebihi had nilai pembelian terus dibuat mengikut peraturan perolehan semasa yang ditetapkan;
- iii. Mengambil tindakan selaras dengan Arahan Perbendaharaan (AP) 59 sekiranya pegawai-pegawai yang menguruskan perolehan gagal mematuhi peraturan semasa yang ditetapkan; dan
- iv. Unit Audit Dalam agensi bertanggungjawab memantau pelaksanaan perolehan secara pembelian terus dan perolehan selanjutnya bagi jenis item yang sama agar agensi mematuhi peraturan ini dan tidak memecah kecil perolehan. Satu rekod lengkap mengenai jenis item yang dibeli, nama pembekal dan nilai perolehan hendaklah disimpan oleh agensi dan dikemukakan kepada Pegawai Pengawal setiap tiga (3) bulan serta disalin kepada Unit Audit Dalam agensi.

## KUAT KUASA

9. SPP ini berkuat kuasa pada tarikh ia dikeluarkan dan hendaklah dibaca bersekali dengan Pekeliling lain yang berkaitan.

## PINDAAN

10. Dengan berkuatkuasanya pekeliling ini, AP 173.1, AP 179.1(c), AP 180.1(a), AP 180.1(c) dan AP 190 adalah dipinda seperti di **Lampiran 2**.


## PEMBATALAN

11. Dengan berkuat kuasanya SPP ini, SPP Bil. 12 Tahun 2007 adalah dibatalkan.

Sekian, terima kasih.

## 'BERKHIDMAT UNTUK NEGARA'

Saya yang menurut perintah,

  
(Tan Sri Dr. Mohd Irwan Serigar Bin Abdullah)  
Ketua Setiausaha Perbendaharaan  
Kementerian Kewangan

18 Februari 2014

s.k. Ketua Setiausaha Negara  
Ketua Audit Negara  
Aktauntan Negara Malaysia  
Semua Pegawai Kewangan Negeri

## Contoh-contoh Setiap Jenis Item

Bil.	Jenis Item	Keterangan/Contoh
1.	Alat ganti	Pelbagai alat ganti yang boleh diperoleh daripada pembekal (punca bekalan) yang sama adalah dikategorikan sebagai satu jenis item.
2.	Item pelbagai saiz	Item pelbagai saiz hendaklah ditafsirkan sebagai satu jenis item. Contoh: Pembelian pelbagai saiz paku (1 inci atau 1 ½ inci), mentol, lampu kalimantang, cermin dan lain-lain.
3.	Set sofa	Set sofa yang merangkumi pelbagai jenis kerusi (sama ada kerusi 1 tempat duduk atau 3 tempat duduk) bersama meja, ditafsirkan kepada satu jenis item. Jika pembelian perabot terdiri daripada kerusi banquet dan set sofa, maka kerusi banquet dan set sofa boleh dianggap item yang berbeza. Walau bagaimanapun, jika kedua-duanya boleh dibeli daripada pembekal (punca bekalan) yang sama, ianya boleh ditafsirkan sebagai satu jenis item (perabot).
4.	Toner	Pembelian pelbagai toner ditafsirkan sebagai satu jenis item kerana boleh diperoleh daripada satu pembekal (punca bekalan) yang sama.
5.	Alatulis	Pembelian alatulis (pen, pensel, pembaris, gunting, stapler, pemadam, gam dan sebagainya) ditafsirkan sebagai satu jenis item.
6.	Kertas	Pelbagai saiz kertas (A4, A3) dan kertas pelbagai warna adalah ditafsirkan sebagai satu jenis item.
7.	Peralatan ICT	Komputer, printer, scanner, monitor, key board dan CPU adalah satu jenis item.
8.	Ubat	Pelbagai ubat adalah satu jenis item.
9.	Bahan-bahan binaan	Bahan-bahan binaan seperti simen, kayu, papan, batu, cat, siling, paku adalah ditafsirkan sebagai satu jenis item.
10.	Barangan elektrik	Pelbagai barangan elektrik seperti cerek, kipas angin, televisyen, radio, seterika, pengisar, peti sejuk adalah ditafsirkan sebagai satu jenis item kerana boleh diperoleh daripada pembekal (kedai elektrik) yang sama.
11.	Catuan kering / Bahan mentah	Pembelian pelbagai jenis catuan kering/bahan mentah seperti rempah-ratus, asam jawa, garam, sayur-sayuran, ikan dan lain-lain adalah ditafsirkan sebagai satu jenis item kerana boleh diperoleh daripada satu pembekal (pasar) yang sama.
12.	Perkhidmatan pengangkutan	Setiap perolehan perkhidmatan bas/pengangkutan untuk setiap majlis/program adalah berbeza kerana setiap majlis/program

Bil.	Jenis Item	Keterangan/Contoh
		mempunyai tujuan/peserta/masa yang berbeza. Walau bagaimanapun, bagi sesetengah kes perlu ditentukan berdasarkan case by case.
13.	Percetakan	Setiap percetakan adalah berbeza kerana setiap risalah yang dicetak mempunyai isi kandungan yang berbeza. Walau bagaimanapun, bagi percetakan yang boleh dirancang setiap tahun, perolehan percetakan tersebut dianggap satu jenis item perkhidmatan.
14.	Sewaan mesin penyalin/fotostat	Perkhidmatan penyewaan mesin penyalin/fotostat pelbagai keupayaan ( <i>heavy duty, medium duty, light duty</i> ) dan pelbagai fungsi (berwarna/hitam putih) adalah satu jenis item perkhidmatan.
15.	Aksesori pakaian seragam	Perolehan kelengkapan/aksesori pakaian seragam adalah dikategorikan sebagai satu jenis item memandangkan fungsinya yang sama iaitu sebagai pakaian seragam. Selain itu, ia boleh dirancang setiap tahun berdasarkan bilangan pegawai.
16.	Kursus	<p>i. Bagi kursus yang mempunyai <u>modul/tajuk kursus sama</u> (boleh dirancang) dianggap satu jenis item dan kaedah perolehan hendaklah ditentukan berdasarkan jumlah keseluruhan perolehan setahun.</p> <p><u>Contoh:</u> Kursus Kewangan dilaksanakan 4 kali setahun untuk peserta berlainan.</p> <p>ii. Bagi kursus yang dilaksanakan secara <u>bersiri</u> (boleh dirancang) dianggap satu jenis item dan kaedah perolehan hendaklah ditentukan berdasarkan jumlah keseluruhan perolehan setahun.</p> <p><u>Contoh:</u> Kursus Excel (Tahap I, Tahap II, Tahap III dan Tahap IV) dilaksanakan 4 kali setahun untuk peserta berlainan/sama.</p> <p>iii. Bagi kursus yang mempunyai <u>modul/tajuk yang berbeza</u>, dianggap perolehan berasingan kerana isi kandungan kursus berlainan.</p> <p><u>Contoh:</u> Kursus Kepimpinan (bulan Jan) dan Kursus Pembangunan Sahsiah (bulan Mei) untuk peserta berlainan/sama.</p>

Maksud 'setahun' atau 'sesuatu kontrak' bererti perolehan sehingga RM20,000 setahun atau sesuatu kontrak.

#### Contoh 1:

Perolehan kawalan keselamatan untuk setahun bernilai RM12,000 boleh dilaksanakan secara pembelian terus. Walau bagaimanapun sekiranya Jabatan merancang untuk mengadakan kontrak bagi tempoh dua (2) tahun di mana nilainya berjumlah RM24,000 (melebihi RM20,000), maka sebut harga hendaklah dipelawa.

**Catatan:**

Sekiranya terdapat sebarang kemusyikan mengenai 'setiap jenis item' dan contoh-contoh di atas, agensi boleh menghubungi pegawai Seksyen Pembangunan Dasar, Bahagian Perolehan Kerajaan seperti berikut:

1. En. Shahrul Kamal Bin Osman  
Tel: 03-8882 3283
2. Pn. Sakinah Binti Jamaluddin  
Tel: 03-8882 4438
3. En. Ahmad Fauzi Bin Sungip  
Tel: 03-8882 3232
4. En. Mohd Salman Bin Ibrahim  
Tel: 03-88824313
5. En. Shah Iskandar bin Zulkarnain  
Tel: 03-8882 3287
6. En. Sasitharan A/L S. Mariappan  
Tel: 03-8882 3284

## PINDAAN ARAHAN PERBENDAHARAAN YANG BERKAITAN

### 173. Pembelian

#### Pembelian Terus

- 173.1 (a) Pembelian setiap jenis item yang melibatkan jumlah sehingga RM20,000 setahun atau bagi sesuatu kontrak boleh dibuat secara pembelian terus dengan mana-mana pembekal sama ada berdaftar atau tidak berdaftar dengan Kementerian Kewangan dan sama ada bertaraf Bumiputera atau bukan Bumiputera. Kajian pasaran hendaklah dibuat dengan mendapatkan sekurang-kurangnya tiga (3) tawaran harga daripada pembekal tempatan.
- (b) Bagi pembelian setiap jenis item yang melibatkan jumlah melebihi RM20,000 sehingga RM50,000 setahun atau bagi sesuatu kontrak hendaklah dibuat secara Sebut Harga dengan mempelawa sekurang-kurangnya tiga (3) pembekal tempatan yang berdaftar dengan Kementerian Kewangan sama ada bertaraf Bumiputera atau bukan Bumiputera.

### 179. Jadual Kadar

- 179.1 (c) Pesanan kerja atau inden yang dikeluarkan mengikut Jadual Kadar Kerja Kejuruteraan Awam dan Bangunan tidak boleh melebihi RM50,000. Ketua sesuatu Jabatan Kejuruteraan atau Bahagian Kejuruteraan boleh memberi kuasa secara bertulis kepada Jurutera, pegawai menjaga daerah atau pegawai yang dipertanggungjawabkan bagi menandatangani pesanan kerja atau inden. Jadual Kadar hendaklah disemak sekurang-kurangnya dua (2) tahun sekali khususnya untuk menentukan kesesuaian.

#### Kerja Requisition

- 180.1 (a) Kerja-kerja bernilai tidak melebihi RM50,000 boleh dipelawa secara *requisition* dengan menggunakan Jadual Kadar Harga. Kerja yang dipanggil secara *requisition* ialah kerja-kerja kecil dan pemberian yang tidak mengubah struktur asal.
- (b) [Dikekalkan].
- (c) Bagi kerja-kerja yang bernilai melebihi RM20,000 hingga RM50,000 pemilihan kontraktor hendaklah dibuat secara adil melalui undian atau pusingan di kalangan kontraktor bangunan/awam Gred G1 yang berdaftar dengan CIDB dan mempunyai Perakuan Pendaftaran Kontraktor (PPK) serta Sijil Perolehan Kerja Kerajaan (SPKK) dengan gred, kategori dan pengkhususan yang berkaitan.
- (d) Bagi kerja-kerja *requisition* bernilai melebihi RM50,000 hingga RM100,000 hendaklah dipelawa secara sebut harga di kalangan kontraktor bangunan/awam Gred

G1 yang berdaftar dengan CIDB dan mempunyai PPK serta SPKK dengan gred, kategori dan pengkhususan yang berkaitan.

**190. Perolehan Perkhidmatan Bukan Perunding**

- (a) Perolehan perkhidmatan sehingga RM20,000 setahun atau bagi sesuatu kontrak boleh dibuat secara pembelian terus dengan mana-mana pembekal sama ada berdaftar atau tidak berdaftar dengan Kementerian Kewangan dan sama ada bertaraf Bumiputera atau bukan Bumiputera. Kajian pasaran hendaklah dibuat sekurang-kurangnya daripada tiga (3) pembekal tempatan. Bagi perolehan perkhidmatan melebihi RM20,000 sehingga RM50,000 setahun atau bagi sesuatu kontrak hendaklah dibuat secara Sebut Harga dengan mempelawa sekurang-kurangnya tiga (3) pembekal tempatan yang berdaftar dengan Kementerian Kewangan sama ada bertaraf Bumiputera atau bukan Bumiputera.